



ATASSUT INATSIARTUNI

ATASSUT

Knud Kristiansen

UPA 2014/52-1

09.04.14

Atorfimmi ileqqorlunnerup akiornissaanut Naalagaaffiit Peqatigiit isumaqatigiissutaannut Kalaallit Nunaata ilanngunneqarnissaanik matumalu aalajangiiffigisassatut siunnersuutip akuerineqarnerata kingunitsianngua tamatuma sulissutigineqalernissaa aallartinneqaqqullugu Naalakkersuisut peqqunneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Sara Olsvig, Inuit Ataqtigiit)

ATASSUT-miit siunnersuuteqartoq qutsavigissavarput.

ATASSUT-miit soqtugisaraarput, aatsitassarsiorneruppat, aallatigulluunniit iluanaarniarluni atornerluinerit, ileqqorlunnerillu tamatigut pinaveersimatinneqarnissaat.

Siunnersuuteqartup tunngavilersuutimini uggornaraluartumik tikiingilaa, Naalagaaffiit Peqatigiit isumaqatigiissutaannut nunarput ilanngutissappat, qanoq pitsaaquteqarsinnaanera, aammalu suut nunatsinnut pisussaaffinngussanersut, naammassiniagassallu ersinngillat.

ATASSUT-miillu qularinngilarput, siunnersuuteqartup isumannaarinninnissaq anguniarmagu, nunarpullu arlaatigulluunniit atornerluiffigineqassanngitsoq. Tassuunakkut siunnersuuteqartoq ATASSUT-miit isumaqatigilluinnarparput.

Taamaattorli siunnersuutip tunngavianut nalornivugut, pingaartumik paasinarmat, isumaqatigiissummut nunat ilaasut, arlaatigulluunniit piumasaqaatinik, imaluunniit maleruagassanik tunngaveqanngitsut, taamaallaalli isumaqatigiissut piousoq ataatsimoorfigalugu.

Kiisalu siornatigut Inatsisartuni akuerineqartoq, EITI-mut tunngasut, assigusinnaasoq, suli annertunerusumik misilittagaqarfingilinngisarput.



ATASSUT INATSIARTUNI

ATASSUT-miit kissaatigissavarput, aallaqqaammut isumaqatigiissummut ilanngutissagaanni pitsaaqutit, aammalu nunarput sutigut naammassisassaqaalissanersoq il.il. pillugit qulaajaasoqaqaassasoq, tunngaviusumik akuersineq pitinnagu.

Taamatut oqaaseqarluta siunnersuut Inatsiseqarnermut Ataatsimiititaliamut ingerlatipparput.